



Եվրոպայում անվտանգության և համագործակցության կազմակերպություն Երևանյան գրասենյակ



Ծրագիրը ֆինանսավորվել է Եվրոպական միության կողմից	Ծրագիրը համաֆինանսավորվել է ԵԱՀԿ Երևանյան գրասենյակի կողմից	Իրականացնող՝ Իրավաբանների իրավաբանների ասոցիացիա	Գործընկեր՝ Ինֆորմացիայի ազատության կենտրոն	Իրականացնող՝ «Արարատի մարզի կանաչներ» ՀԿ	Գործընկեր՝ «Արարատ քաղաքի կանանց խորհուրդ» ՀԿ
---	---	--	--	--	---

**«ԱՐԱՐԱՏԻ ՄԱՐԶԻ ԿԱՆԱՉՆԵՐ» ՀԿ**

**«Հանրային վերահսկողության մեխանիզմների հզորացում Արարատի մարզում»**

**ԾՐԱԳՐԻ ՀԱՇՎԵՏՎՈՒԹՅՈՒՆ**

**ԱՐԱՐԱՏԻ ՄԱՐԶ**

«Հանրային վերահսկողության մեխանիզմների հզորացում Արարատի մարզում» ծրագիրը իրականացրել է «Արարատի մարզի կանաչներ» հասարակական կազմակերպությունը՝ գործընկեր «Արարատ քաղաքի կանանց խորհուրդ» հասարակական կազմակերպության հետ համատեղ՝ «Իրավաբանների հայկական ասոցիացիա» հասարակական կազմակերպության և «Ինֆորմացիայի ազատության կենտրոն» հասարակական կազմակերպության համագործակցությամբ գործարկվող «Կոռուպցիայի դեմ պայքարի բազմակողմանի խթանում» ծրագրով տրամադրված փոքր ենթադրամաշնորհների շրջանակներում: Ծրագրի բյուջեն կազմել է 750000 ՀՀ դրամ, որից 660 000 ՀՀ դրամը տրամադրվել է «Իրավաբանների հայկական ասոցիացիա» հասարակական կազմակերպության կողմից: Ծրագրի սկսողությունն է՝ 2016թ. հոկտեմբերի 1-ից մինչև 2016թ. նոյեմբերի 30-ը:

«Կոռուպցիայի դեմ պայքարի բազմակողմանի խթանում» ծրագիրը ֆինանսավորվում է Եվրոպական միության և համաֆինանսավորվում է ԵԱՀԿ-ի կողմից:

**ք.Արտաշատ**

**2016թ.**

**«Հանրային վերահսկողության մեխանիզմների հզորացում Արարատի մարզում»  
Ծրագրի հաշվետվություն**

«Կոռուպցիայի դեմ պայքարի բազմակողմանի խթանում» ծրագրի շրջանակներում «Արարատի մարզի կանաչներ» հասարակական կազմակերպության և գործընկեր «Արարատ քաղաքի կանանց խորհուրդ» հասարակական կազմակերպության հետ համատեղ կողմից իրականացվել է «Հանրային վերահսկողության մեխանիզմների հզորացում Արարատի մարզում» ծրագիրը, որի նպատակն էր հանրային իրազեկման և վերահսկողության միջոցով նպաստել Արարատի մարզի ծննդատներում կոռուպցիոն ռիսկերի և չարաշահումների նվազեցմանը:

Այդ խնդիրները լուծելու համար անհրաժեշտություն է առաջացել խթանել քաղաքացիական հասարակության ներգրավվածությանը հանրային վերահսկողություն իրականացնելու գործընթացներում:

Այդ նպատակով գյուղական համայնքների 4 երիտասարդ կանանց ներգրավել ենք հանրային դիտորդման, ինչպես նաև 50 ծննդաբերածների՝ մոնիթորինգի և հանրային վերահսկողության գործընթացներում: Անվճար ծննդօգնության վերաբերյալ խորհրդատվություն է տրամադրվել հղի կանանց, ծննդաբերածներին:

Երիտասարդների ներգրավվածության շնորհիվ բարձրացել է հանրային իրազեկման մակարդակը՝ պետության կողմից երաշխավորվող անվճար ծննդօգնության, ինչպես նաև մորը և մանկանն ուղված առողջապահական ծրագրերի վերաբերյալ:

Տպագրվել և հայտարարություններ է տեղադրվել ք. Արտաշատի և ք. Մասիսի բնակչությանը մատչելի վայրերում՝ անվճար ծառայությունների վերաբերյալ:

Արարատի մարզի հիվանդանոցների ծննդաբերական բաժանմունքների և ծննդատան կողմից տրամադրված ծառայությունների դիտարկման միջոցով վեր են հանվել առկա կոռուպցիոն ռիսկերը, կազմվել համապարփակ հաշվետվություն և ներկայացվել հանրային քննարկման: Մասնավորապես՝

- Հանրային իրազեկման և վերահսկողության միջոցով նպաստել ենք Արարատի մարզի ծննդատներում կոռուպցիոն ռիսկերի նվազեցմանը,
- Գյուղական համայնքների երիտասարդների (հատկապես երիտասարդ կանանց) քաղաքացիական ակտիվության բարձրացմանը՝ նրանց ներգրավելով հանրային դիտորդման և հանրային վերահսկողության գործընթացներում:
- Բարձրացրել ենք հանրային իրազեկման մակարդակը՝ պետության կողմից երաշխավորվող անվճար ծննդօգնության ինչպես նաև մորը և մանկանն ուղված ծրագրերի վերաբերյալ:

- Մասիսի և Արտաշատի տարածաշրջաններում ձևավորել ենք ակտիվ երիտասարդ կանանց թիմ, ովքեր կներգրավվեն հանրային վերահսկողության աշխատանքներում:
- Գյուղական համայնքներում ապրող 18-40 տարեկան կանանց շրջանում իրականացրել ենք իրազեկման աշխատանքներ և տարածել տեղեկատվական անանուն թերթիկներ:
- Կազմել ենք դիտարկումների ամփոփ հաշվետվություն՝ ներկայացրել շահագրգիռ գործընկեր կառույցներին:
- Տեղեկատվական հանդիպումներ ենք կազմակերպել, մոնիթորինգի անցկացման համար հարցաթերթեր կազմել:
- Համայնքային հասարակական կազմակերպությունների միջոցով թիրախ լսարանի հավաքագրում ենք կատարել մարզի գյուղական համայնքներից:
- Ձևավորել ակտիվ երիտասարդների թիմ, ովքեր կներգրավվեն հանրային վերահսկողության աշխատանքներում:
- 2 առողջապահական հաստատություններում ծննդօգնություն ստացող մոտ 50 կանանց շրջանում տարածել տեղեկատվական թերթիկներ և իրականացել իրազեկման աշխատանքներ:
- Հաշվետվություն ենք տարածել սոցիալական ցանցի, ՋԼՄ-ների և պաշտոնական կայքերի միջոցով:
- Մասիսի և Արտաշատի բժշկական կենտրոնների ծննդատներում անցկացրել ենք դիտարկում, մոնիթորինգ 50 հղի կանանց և ծննդաբերածների հետ:
- Դիտորդների միջոցով դրամարկղում դիտարկվել է վճարովի ծառայությունների ցանկի առկայությունը: Պարզվել է, որ առկա է ինչպես հիվանդանոցների, այնպես էլ պոլիկլինիկաների բաժանմունքներում՝ տեսանելի վայրերում:

**Հարցումների, դիտարկումների արդյունքում մեկ հղի կին չէր տիրապետում անվճար ծննդօգնության վերաբերյալ տեղեկատվությանը:**

Վայոց Ձորի մարզի երկու հղի կանայնք իրենց ցանկությամբ որոշել էին ծննդալուծումը կազմակերպել Արարատի մարզում, սակայն մինչև առաջին այցելությունը չգիտեին, որ ծննդալուծումն իրենց համար վճարովի է, որը դիտորդների կողմից բացատրվեց, հղումներ անելով անհրաժեշտ իրավական ակտերին: Դիտարկման ընթացքում հանդիպեցինք մեկ դեպքի, երբ ելնելով հղի կնոջ ծանրության վիճակից ուղեգրեցին Երևանի բարձրակարգ հիվանդանոց: Ինչպես դիտորդների, այնպես էլ բուժանձնակազմի կողմից նրանց բացատրվեց, որ իրենց ծննդալուծումը նույնպես անվճար է:

Ծրագրի արդյունքներն ամփոփվել է, շնորհանդես կազմակերպվել:

«Արարատի մարզի կանաչներ» ՀԿ նախագահ,

Ծրագրի ղեկավար՝

Հասմիկ Խաչատրյան

«02» դեկտեմբեր, 2016թ.